




Dunando sostena na nos sistema judicial..

Demostracion mas cu 200 persona den Parke Alameda



ORANJESTAD(AAN):

Despues cu Diamars mainta e mayorman di Natalee Holloway a duna un statement na prensa Mericano, mesora nos hendenan local of esnan biba na Aruba a cuminsa perde e duele cu nan tabata tin pa cu e famia.

Tur hende ta respeta cu perde un ser keri no ta facil, pero den e caso aki no por bay core yama esnan cu no ta culpabel pa criminal.

Pesey mes ora cu den noticia Mericano e noticia a sali encuanto e statement cu famia Holloway a duna, un grupo na Aruba tambe a cuminsa mesora na uni nan mes y yama un reunion dilanti di corte riba parke Alameda.

Esaki pa duna nan muestra di sosten na nos ministerio publico y nos sistema hudicial.

Un grupo di mas cu 200 persona tabata tey na e manifestacion aki y aki nos ta papia di Mericano, Arubiano

y tambe varios otro naciona biba aki.

Hopi cu pancarta y mucho mas tabata presente caminda prensa Mericano tabata tey pa asina cubri esaki.

Si nan lo pasa esaki manera mester ta lo keda un pregunta.

Varios persona a hiba palabra y splica e prensa mericano kico ta loke nan ta sinti.

Despues tabata John Merryweather cu tambe ta den e comision di contradeci noticia eroneo di Aruba cu a hiba palabra y splica kico ta e meta di e manifestacion aki.

Un señora naci na merca biba hopi aña na Aruba tambe a hiba palabra y expresa su malcontento riba loke ta pasando unda prensa di exterior ta haciendo di mas.

Tur hende te hasta a canta himno di Aruba.

Riba e fotonan aki por mira parti di e manifestacion di Diamars atardi.